



UNIVERSITÄTS-
BIBLIOTHEK
PADERBORN

Universitätsbibliothek Paderborn

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1844

XX. Churfürst Joachim beleibdingt die Gattin des Franz Prignitz zu Dannenwalde mit der vor Gransee belegenen Müggenburg, im Jahre 1568.

[urn:nbn:de:hbz:466:1-54407](https://nbn-resolving.org/urn:nbn:de:hbz:466:1-54407)

wir vnfern lieben getrewen Burgermeistern vnd rathmannen vnser stadt Granfoye vnd Iren nachkommen, vñ Ir vnderthenig vnd vleißig bith, auch angesehen Ire angenehmen dienst vnd allerlei gelegenheit, das Grawe monche closter In berurter vnser stadt Granfoye gelegen mit dem garten, bencken vnd tuffchen, auch die Mißgewandt, so dar inne befunden, Sampt holzung vnd rorung, so der vorige Gardian Er Joachim Heines seliger In gebrauchung gehabt, gegen liberung zwey hundert gulden, die sie vns an Barem gelde darfür erlegt vnd betzalt haben, verschrieben vnd zugefalt haben, verschreiben vnd stellen eigenthumblichen gedachten rathe zw Granfoye vnd Iren nachkommen solich Closter mit dem Garten, bencken, tuffchen, Mißgewandt, Sampt Holtzung vnd rorung, wie solichs der vorige Gardian inne gehabt vnd genossen hat, hiemit zw, In crafft vnd macht dits briefs, doch also das Sie vnd Ire nachkommen hinforder solich Closter vnd die, notigste gemacht Im bewlichem Weßsen vnd weren vnter tuch vnd sach halten vnd daz die kirchen diener, als pfarherrn vnd Cappellanen, dar In wonen auch Im selben Schule halten mögen. Darzw so sollen Sie auch die fursten gemecher vnd Ire nachkommen, so In demselben closter feind, In sonderlichen werthen vnd wesentlichen gebawde mit tache vnd sonsten wol versehen, das die in vorwufung nicht geraten oder ferfallen: vnd so offte wir vnd vnser hereschafft vnser lager dar In zu halten bedacht oder sonsten frembde fursten dar In zu legen verordnen, das wir vnd die vnfern an solichen gemechern kein mangel befunden. Vrkontlich Sontags nach anthonii Im LXI.

Aus dem Copiario des Churmärk. Lehn-Archives Nr. 34 u. 38. Bl. 2.

XX. Churfürst Joachim beleibdingt die Gattin des Franz Prignitz zu Dannenwalde mit der vor Gransee belegenen Muggenburg, im Jahre 1568.

Wir Joachim Churfürst etc. Bekennen etc. Weil vnser lieber getrewer Frantz Prignitz zu Dannenwalde denn Plack Ackers mit dem zugehörigen wiesewachs, die Muggenburg genandt, so vor vnser Stadt Granfoye gelegen, vnd er erblichen erkaufft, seiner Hausfrawen Margarethen von Dewitz zur Morgengabe Inhalts der zwischen Ihnen auffgerichteten Ehestiftung gegeben, Das wir demnach auf sein beschehen vnterthenigst suchen dieselbe Morgengabe Consentirt vnd bewilliget, auch die disals auffgerichtete Ehestiftung gnedigst Confirmirt vnd bestetigt haben vnd also, das bemelts Frantz Prignitzs Eheliche hausfrawe denselben Pleck Ackers mit dem zugehörigen wiesewachs vnd gerechtigkeiten, wie der In den auffgeworfenen graben begriffen, als Ires eigenthumblichen guts von nun an vnd hinfuro Zeit Ihres lebens vor Ihres Mannes erben vnd sonst meniglichen vngehendert genießen vnd gebrauchen oder Ires gefallens andern vmb Pacht vnd Zins austhun vnd vormieten moege. Vnd wir der Landesfürst Consentirn, bewilligen, Confirmiren vnd bestetigen dasselbe also wie obstehet aus Churfürstl. Obrigkeit hiemit In diesem briefe gantz krefftiglichen, wir vnser erben vnd nachkommen wollen sie auch Jedertzeit darbey gnedigst schutzen vnd handthaben, wie wir dan Euch Burgermeistern vnd Rathmannen, auch Richter vnd Schopffen berurter vnser Stadt Granfoye hiemit beuelen vnd auflegen, wollet sie vnseratwegen dobei vorteidigen vnd niemandts einiche ansprache bei Irem leben daran gestaten. Doch das nach Ihrem absterben derselbe Plack an gemelts Prignitzs negste erben wiederumb fallen vnd kommen solle. Alles getreulich vnd vngewerlich Vrkontlich etc. Montags nach Assumptionis Mariae etc. anno etc. 68.

Aus dem Copiario des Churm. Lehn-Archives Nr. 34 und 38, Bl. 242.